

康對山先生集

康對山先生集卷之十

五言律詩

盤屋縣白龍廟明叔宴集

自畏客行久那知高宴張
小杯遲免魄佳會托龍堂
細雨暗絲竹涼雲護酒漿
但拚今日醉莫笑楚人狂

卽事

白馬誰家子鳴鞭馳綠楊
倡樓隣大道寶鐙炫流光
恣意延歌舞隨風詠鳳皇
酒酣拔劍去平地若雲翔

送劉天澤官荆門

君向荆門去草堂春正初
相逢皆老大告別又須臾

對酒慚元亮臨文羨子虛茂陵終愛賦休草絕交書
八月初十日仲脩見過

長安祖餞後倏忽又秋風伏枕憐三月微醫賴兩公
世人惜賈傳予意重王充努力趣吾道乾坤若轉蓬
釀酒

吾道仍須酒秋分釀更宜便當炊百石猶未足千庖
行樂年空暮聞歌日尚遲風流杜陵老傾倒是吾師
答明叔孟獨二子之贈

寂寞楊雲舍春風兩妙過新詩題素壁逸興入烟蘿
杯帶寒潭淺山臨夕照多尚能陪杖屨同坐汧東莎

懷太微

太微清苦士弱冠卽知名英氣千人廢新詩四座驚
愛身辭一芥當事陋諸生可惜龍光劍悠悠閉斗城
雨中懷德克

歲歲繁秋雨霏霏定幾時但能消酷暑莫問妬花枝
對酒聞孤抱行吟得小詩嘉州何日至與爾足襟期
西原眺望

久坐成踈懶何曾郊外行凌晨錢征客佳勝偶相迎
山自岐梁合雲從鄜杜生始知歸鳥賦不是賤功名
渭南道中

雲霾千里合風霧益駸駸忽見征衫濕方知春雪深
新豐非舊酒繡領得微吟應咲歌湖子知予物外心
病中喜德一德清兩弟來問

吾弟遠相問老夫安用憂開籠尋藥物倚榻嘆淹留
華嶽歸非暮長安醉不休已令嚴夙駕還到潁西丘

答伯循

抱病卧林壑思君安可親忽蒙枉書札便可慰心神
曲藝竟何益虛名常愧人汴東有垂柳堪送百年身
有懷金可卿

懷人那可見幽思欲三更隱見草堂月短長鳴鴈聲

關河千里意畎畝一生情何日同君去因之遊岱屏
喜仲默至

二月高陵縣逢君發慶陽十年方邂逅百歲幾徜徉
詞賦名須久安危望已長青尊今夜月好醉潯西堂
歲暮

歲暮自行酌蕭條誰共吟江梅還不吐霜髮獨相侵
愛弟書難至山妻病苦深何當乘羽翰飛向海東岑
懷明叔

往歲終南下同君是勝遊沿溪看碧巖乘月步丹丘
一日歸城市十年端去留空將百壺酒未解寸心憂

六月十六日醫士湯貢之來訪持粹夫二月十六日書問訊委曲未云關中諸友猶得時會此中知己甚少乾乾獨處懷抱可想也感而賦此以寄王大敬夫

粹夫豪傑士別我十三年偶出湯生訊因嘆綺老賢高蹤無繼步偉論有真傳王屋神仙窟君應友列仙彭麓山房和白坡提學與諸公見過之作

迄耕得茲麓習靜欲長年山水向春碧烟霞當暮妍結廬垂四壁枉駕辱諸賢遣興沽村酒呼童鳴綠絃中秋喜明叔見過

長空雲翳靜今夜月偏明且喜高人至猶憐湛露生
金波搖桂影彩鳳落瑤笙瀟灑王夫子飄飄共此情

八月十三日得北山楊宗文書至言於此月十
一日生子志喜

北山今有子足以慰吾私每兆麒麟夢猶難棠棣詩
鬼神須監德儀儼必逢時明日應西問馮君辨曲卮
再次客夜一首柬明叔

客夜人寥落孤燈暗復明窗風喧戍角簷雨雜蛩聲
君固能恢闊予當媿友生更聞渾不寐徒倚益含情
寄明叔

雨月音書滯連宵夢寐長喜聞徵伯子驚看識王郎
不覩南山賦安知北斗光庶情湏爾爾含笑問長房
夜坐三首

積雨踈人事閒居自課詩入秋更漸永遣興坐還遲
謾道花開圃應憐酒滿卮平生蕭散意還許世人知

其二

老去多清暇探竒咲葛洪乘風人已遠捉月事還空
但使杯常綠何妨頰未紅谷神如不死吾欲扣鳴濤
其三

入夜雨還微更移勢益霏千山暗雲氣萬彙萎郊畿

飽食誰家粟號寒此處衣新來炊爨急先已決雙扉
有所思

緊自辭京邑遥遥十六年婚姻謝兒女遊眺歷山川
總謂人聊爾誰知事偶然憂來唯灑淚魂逐夜臺邊

覽鏡

愁裏窺明鏡驚看白髮多行年自驅迫服食謾如何
有分終巖穴無機任薜蘿平生憂國志何惜酒中過

寄北山

水北花無數同誰挿坐邊三旬憂積雨何日覩晴天
鄭谷空炊玉廬山謾學仙新詩饒卷帙孤獨自應憐

耳隴次杜工部韻

行年四十九颯颯若衰翁涕淚雙晴暗虺虺半耳隴
壯心隨日改佳興逐杯空隔障聞山鳥何時見此風
后稷廟

閔殿疑千仞崔嵬當半原蒸民皆爾粒萬古復誰尊
碧甃連朱厦蒼松偃應門遺封嚴伏臘鍾鼓日喧喧
綠野書院

不到幽棲處悠悠將十春古堂懸見日靜地寂無塵
俎豆思周禮威儀憶魯頌愧非程伯子何以坐松筠
閒行

四望皆秋水山川處處迷
饑鳥穿穴叫老馬向人嘶
漸漸傾花塢茫茫損藥畦
村翁猶愛客邀我竹林西
閨思

辛苦邊城士寒衣近有無
愁多腸自斷怨極骨先枯
胡虜輕金甲征人畏玉符
紅粧零落盡極目望歸途
邀客

舊日追遊盡蕭條幸有君
無能消宿雨未可怨朝雲
燕市茱萸酒秦樓翡翠裙
共來拚一醉應勝隔牆聞
對菊

不必開三徑聊供一檻幽
雨中嬌覆砌愁裏豁當眸

暫歇登山賞聊同逐隊遊可知嘉定客今夕為誰留

九月六日

日日常霏雨黃花空自開未能携社酒猶自望秋臺
照檻金蕤發關情白髮催如何雲際月不向九衢來
行酌

小酌從吾志簷花更拂簾已深多口慮空望有秋占
雲冷郎官舄霜增處士髭危厨昨日問無復水晶盞
客至

客至傳鸚鵡秦娥喚不來隔年留洛賦幾夜宿陽臺
罷舞纖羅濕還歌玉樹開白頭慚料理更鼓莫相催

吹笛

吹笛誰家夕關空此日聽懷人俱萬里當戶獨三星
怨切姜肱被聲流謝氏庭憂來悲自語何物信飄零

清秋二首

舊日風雲志中年亦漸違事因萋菲散人豈咲談歸
一旦何輕重千秋有是非未為南嶽使當守北山薇

其二

忽憶龍潭水噴迴氣轉深紅橋應漸沒鳥道亦空尋
歲序催予老風雲殢客吟可憐平子賦不是舊時心

漫成二首

閑閣三旬久追遊路復泥
啓簾欣見日當砌咲臨溪
泥酒延村叟烹鷄待饁妻
兒童聞客至雙鯉向堦携

其二

日返柴桑里時時有勝遊
素秋皆殢雨佳節總堪愁
此日能開霽重陽得款留
便須整絲竹沉醉潯西丘

對客二首

絲竹憐吾懶尊壘待汝來
片雲霄漢淡叢菊小籬開
積雨難相過當歌莫設迴
請看秋草色黃滿建章臺

其二

昨日衝泥出聞君在渭園
未能同小坐空擬駐高軒

夕野牛羊散秋山麋鹿煩漁歌晴自好歸路逐喧喧

對月

來日重陽節霜華又一年薄遊慚貰酒高會卽登山
對月添幽興臨風敞夜筵奚童識吾志先具泛溪舡

九日

秋後仍多雨霑霑竟不晴豈知佳節至倏使曉山明
南眺褒斜谷西看三時坪微吟拚旣醉或可答平生
得溪陝子書

故人書札到訪我暮春天屈指幾時至寸心終日懸
賈生湘水賦李白太山篇此意淒涼久非吾誰可傳

次張蘭夫見過之作

獨好中林隱因家清渭川
園開溪盡處山合水西邊
曲藝明時棄長歌稚子傳
已深跡曠志不是欲遊仙

同胡世威坐話

羨爾烟霞客常來慰老夫
丹砂休自秘玉笈故難誣
春老安期樹雲深郊子壺
何時歸小有為我饌雕胡
自丁多雨累月不至潞西
今忽晴霽得遂所懷

偶成

柿榻開珍宴微歌當素秋
山含斜日翠亭對晚雲幽
壯節摧霜鬢年華逐水流
憑高時極目車馬憶嘉州

雪後至許西別業懷明叔

咫尺棲遲地經冬未得過
豈緣閒日少故畏朔風多
雪霽看巖立雲開扣竹歌
遙知東谷子天上已鳴珂

送翟鍊師入蜀

汝從南嶽至早晚發君山
定有長生藥應留童子顏
白雲巫峽道紅葉益門關
此去逢元放匆匆莫便還
坐五楸亭

亭上秋風至階前黃葉多
寄情聊有什破悶且當歌
野老送杯酒厓陰下薜蘿
年華如此過撫景柰愁何
十日夜喜南川至

謝邑歸桑梓欣能及孟冬笑談俱爾雅脫畧見優客
有第苟如此為兄未是窮擬令逸士傳千古嘆荀龍
答孟獨兼問明叔

忽憶南山賦驚看又入冬幾時同倡和此日見從客
彭麓酒方熟經臺興復濃不知河內客早晚到雲峯
小齋圍爐次浩然韻贈太微

關輔知名士惟君才獨雄何當垂老日重見古人風
懶赴宣房詔虛勞漢使驄平生經國意微見笑談中
同太微登稷廟觀眺

愛爾素心者同來吟翠微川原餘霽雪臺殿宿晴晞

掃石探杯又排雲過雁稀夕陽雙轡下惻惻與心違
十七日夜內宴

雨後坐中堂熒熒燈燭光佳兒能索賦舞女競催觴
老境情無賴閒身醉不妨夜闌明月上逸興復徜徉
夜酌

東風催暮雨忽忽到更闌自喜林花拆誰愁溪路難
瓊漿濃碧枕羅袖怯春寒舞罷燈前立雙雙撥紫檀
送陳伯行赴高縣典史

長亭一杯酒念子欲孤征久識驚人論誰憐出世鳴
煙烟已子國實布濯江岷若過眉山下休嘆芳草生

二月十一日同德克弟憇許西觀杏花因共小

酌

出郭望精舍滿牆皆杏花香風當戶合艷影入林斜
日煖烟生玉春晴錦映霞興來呼酒坐不必問年華
經符園

憶自前春宴經年未得過月當高會朗花向曲闌多
野老傳杯酒佳人奏艷歌無端殢人事西望獨蹉跎
贈應章方伯赴山西巡撫

自到關西日間關忽六年山居憐數過薇蕨見三遷
又向雲霄去空悲几席連河東凋弊事太約似秦川

曉過汝言宅

高宴出春盤朱簾護曲闌我為鷗鷺伴君薄鷄鶩冠
喚伎調新譜呼童瀹紫團金杯莫停于渴有蔗漿寒
扶風訪張邦彥不遇

子謝晉陽後予為江海人烟霞息壯志瀟灑絕氛塵
久識還丹論慙非辟穀身相尋不相見空望白雲濱
龍尾坂

籃輿度龍尾陰壑晝生寒不覩山川壯安知天地寬
小橋舒細柳春澗漾鳴湍方憶浮丘叟巖西下鵲冠
夜坐聞歌

靜坐聽歌聲絃危調轉清寒泉晴濕玉春樹曉啼鶯
倚和慚予拙悠揚感客情白頭誰料理聊且慰愁生
道中見洛陽女子戲馬

別院醉羅衣籃輿返翠微蛾眉嬌戲馬驍騎疊爭飛
平野融沙軟春郊淑氣圍知非乍柳日端送老夫歸
鳴岐宅同岐東宴集

復過鳴岐舍還聞燕燕音佳辰須盡醉華髮已相尋
大覺憐蕭寺還丹想杏林古人今不見行樂任吾心
薛陸鎮望昭陵

北望九嶷殿鬱葱臨闕宮鳳姿猶厚土龍戰咲群雄

未覩真王畧安知至德隆回恩慶善樂迹與大風同

張村西原

此原吾復到東下入張村濁浪吞風起穠花映日繁
人烟從望密生齒越涇普喜見西崦樹依稀似石門
安陽屯徐家少憇

名家吾屢至春日苦多風舟楫臨交口塵沙似洛中
小園翻落絮芳樹墜殘紅坐愛草堂靜籃輿奄復東
渡渭

吾亦愛滄洲春風信所遊不須歌桂棹渾勝坐蘭舟
濁浪排風起輕帆及岸收稍乘瞻太華遙在碧雲頭

十六日南川月臺集

此夜對明月間歌引興長可憐千里意連接數宵光
爛醉何妨老高吟豈是狂年來筋力索欲共學雲房
望渭南

渭南烟霧裏黯淡若為看嶺樹低籠日山風遠送寒
水曹猶有宅民部欲無官可惜姚江守春風會晤難
過劉水部故宅

水部風流士修文亦有年重來還問訊孤坐更淒然
孫子猶儒服門牆托市廛向時豪爽論誰為世人傳
望驪山懷孫天佑

客過驪山下悠悠懷故人可憐三載別又復一年春
綉嶺花將發西村柳更新白頭思往事吟望欲傷神

華清宮

輦路黃塵滿宮雲夕漸生祇今瞻碧巘不復見朱楹
勝地存王畧離宮餘令名不知戲下泣可似華清行
涇陽道中懷樊君

官舍草初青君應坐小亭高吟誰共續偉論我常聆
莫歎馮唐老終期阮藉醒由來丈夫志唾手出青冥
望歌湖城東別業

自出華山道時時懷此翁名園春定好佳節遠誰同

社稷思君實文章歎季通望中歡喜極若坐小樓東
澣西夜歸

暝色暗川原籃輿返貴園野花迎夕露新月照秋軒
醉覺綸中岬吟憐鳥語諠匆匆百年裡佳節幾扳援

陌底別徐伯傳

君欲山東去將行復送予通宵談陌底傾蓋意誰如
汝周雲霄士子空潦倒儒秋來若騰踏早寄老夫書

對山集卷之十

康對山先生集卷之十一

五言律詩

鹿苑懷太微

鹿苑何王殿明時尚賜秦芳林春礙日幽草盡飛麇
猷畝餘生計乾坤信此身西京誰欲賦韋曲有詞人
望龍池懷汝濟吏部

小殿俯芳林丹臺挹翠岑重來慰好興孤眺愜春心
時序關華髮丘園愛短吟如何韓吏部已放二毛侵
至薦福寺

遙望薦福寺脩脩松檜林偶來瞻寶地閒坐淨塵心

塔影冲雲直，棉花入座深。老僧新出定，迎望薜蘿陰。

望廓

客謝鄴橋道，逶迤紫閣陰。雲霞餘夕照，花柳暗春林。
燈火城中出，星河望裏沉。不知王逸少，何處賞偏深。

春雨亭與淡陂子閒坐二首

結構俯春林，菲菲草徑深。我來題素壁，君已出豪吟。
日轉花移座，風輕柳映岑。清音依約裡，竹外有鳴琴。

其二

迤邐逢良覲，胡為感慨頻。笑談終永日，批賞及芳春。
押座纖羅密，當歌翠袖新。窮通百年裡，何異夢中身。

水北山房二首

水北君歸隱于今十五年山疑杜陵曲地似岳陽川
樓閣參差裏亭臺煙靄邊鳥聲聽不盡花底有鳴絃

其二

去日予過此群公半已無往來成感慨時序別榮枯
翠篠依岩茂朱英接座敷更看回合處烟霧暗蘼蕪
山寺二首

翠壁天關迥香室絕磴開偶來瞻勝地還欲眺層臺
西北秦雲渺東南渭水迴終當謝人事結屋傍巖隈
其二

石樹懸雲細禪堂伏檻微曉岩一逕度哀壑萬山圍
仰視天光挾遙聞瀑布飛循途歸近晚香霧濕人衣

過伊殿

過澗復東征村烟裊裊生綠陰雙樹合紅日半岩明
老境多遊覽長途厭酒醒惠連詩思逸合伴阿兄行

經暖泉宅

二曲交遊客如君信不多良時違咲語荒塚已烟蘿
淚落題詩處情懸駐馬坡謾看憂樂事千古一南柯

十四夜白閣宅宴集雨霽見月

此夜中秋月依然入座圓儘拚埋積雨還自揭高天

綴葉明珠露窺簾落綺絃莫言光未滿先醉酒如泉
午霽發彭蠡

復從車馬去何以遂襟期始信山林趣全歸燕暇時
霽雲隨望薄流曜落秋遲不及東巖子常啣濁酒卮
過春雨亭

再過此亭下森疎真可人樊塹俱勝昔花柳忽如春
總得林間趣偏宜物外身修篁軒後出何啻萬竿新
夜坐

夜坐欣聞霽飢鳥猶自啼山風吹白霧潦水截虹霓
不寐看星斗因晴想杖藜西堂如散步還擬作詩題

夢覺

夢覺蛩吟夕看雲雨脚收此時真可惜昨夜不勝愁
秉燭看兒女呼童貰酒籌明年冬十月仍放戴逵舟

寄蔡承之

懷抱勞深問慙懃出報章林間成獨賞海上得仙方
但覆杯中物從教醉裡狂无能聞警歎惻惻使心傷

其二

歲暮盧君宅同君意亦悲此時常涕淚何日更追隨
即有賡酬侶都非藥石資夜來看副劄傾省得吾師
禹夫携酒過訪

我阻西風雨君常貰酒過談玄情不厭炊玉事如何
梧影團珠露山雲徧絳河醉時還起舞安得魯陽戈

陂頭

回首雙流細疎疎萬木長遶溪蒲粉落夾路稻花香
所向皆殊絕平看却渺茫幾時同廓叟伐竹構茆堂

十二日早

歲華吾亦老兒女喜俱成漸了人間事那知世上名
綠尊靡更酌郢曲唱還賡為問王夫子還應共此情

答太微贈小遊華山之作

子游太華大感尔贈長吟豈必方平技方知曼倩心

午烟迷紫澗夕霽帶長林若問西歸日煩聽笙鶴音
寄孫成夫成夫有書予譙華州東之言欲寄問
於我恐以陰夷見忌故寄此詩

成夫為別久相見杳難期俱是栖林麓何勞別險夷
入秋書屢發經歲夢應知近見工曹掾慙慙托此辭
華陰道中

素志在山水尋常懷此峯地闕青玉障天擁翠芙蓉
背別猶彈劍今過忽校節從來丈夫意非蹇日相逢
贈平田

不見平田子匆匆已二年再聆原理論應咲養生篇

晴日園花細春風榭柳懸不知遊樂處誰是竹林賢
與太微夜坐

小酌初臨夜聞歌心轉驚風流得吾子瀟散見平生
韋曲花應好苒臬賦已成憐君抱奇器不肯戀時名
臨川寺與鄧令王念覺夜坐

多君省春野逢我遇仙宮共宿溪邊寺因逢河上公
絃歌興漢邑恭儉繼邠風更聽憂時論何慙砥柱功
至張氏庄

仲春今日盡吾得始旋東偶坐名園下猶疑金谷中
柳絲嬌欲綠花片落猶紅酌罷吾將去呼兒理玉駟

再用漢陂韻答希大

羨君天下士猶戀碧山遊
美玉休輕售明珠肯暗投
秋風桑柘里晴日鳳凰樓
語及箕裘事生兒已食牛
是日將哺東谷方致問于予
尋得延孫來報病
且亟矣亟趨舂視則東谷已矣
追惟初戲變成
瞬息九歲孤孫萬年長計舉目
痛心踰人不堪
況此骨肉口占短章以識孤痛

方為一咲譔遽作百年歸
孫子孤猶稚宗親遠更微
重淵无返日兩地有音輝
遺我關心淚淋漓若可揮
靈寶逢劉養和

君向甘泉去予方滯虢州再來終一見為別已三秋
回紇終當慮邊關亦可憂屯田有餘論及早達宸旒
靈寶哭楊象先

楊生風雅士愛我忽忘年此日修文去何時馭鶴旋
靈光還五岳寶劍挂重泉埋玉秦山下予來獨泫然
同徐文華南汝澄夜集

旅邸接高賢青尊開夕進徒歌燕市曲那復廣陵絃
潦倒嗟予寒風雲望汝騫平生愛國志應為老夫傳
栗為許邀萬柳庄集夜坐率爾有懷

汝向名園去佳遊興若何柳溪須對月花塢且停歌

不寐杯空瀉微吟思轉多老來心數亥徙倚立庭柯
靈寶客邸逢慎之

客滯燕堂久春深時到家異鄉驚見汝歸思渺无涯
但酌弘農酒休言杜曲花我來應首夏知剩幾枝斜
柳溪

坐君柳溪上日暮杳忘歸春色連芳草曦光近翠微
喚漁出尺鯉命酒上層磯乳燕亭陰過雙雙拂客衣
贈德章

今日辭予去幾時復見君柳條生嫩色池水漲新文
貧賤何須道聲名不厭聞王官有佳勝泉石與君分

同仲木重至汴東二首

漳曲天將夕臨風興益稠裁詩得妙句命酒失春愁
細浪從魚躍殘枝信蝶遊不緣景物好爭使謝公留
其二

胡床坐柳下何幸得清陰拂霧來山鳥乘風鳴水禽
人閒心自寂花盞景尤深童子傳鮮鯉遙遙過竹林
蓋屋別仲木

爾向終南去予當渭北歸名山不謝客勝會動相違
握手情空切看花興已非思君何處急明月下春扉
元日千奉天謁遂菴先生

旌節三邊重風霜萬里勞
犁庭報明主却步是人豪
京口停歸櫓頭卸錦袍
平生只如此深足慰時髦

二日醴泉道中

曉發醴泉道依依瞻九峻
古人已陳跡後代想休風
帝業紅塵盡皇圖紫電空
勞勞亦何事嘆爾萬夫雄

于醴泉再別遂翁

義分詎云盡嚴程難久留
世人皆靡靡夫子獨休休
繫昔垂青眼于今已白頭
願將百年意早赴五湖秋

自王官谷晚至延祚寺呈謝劉二君子

杳梵予來晚沿溪歷漸深
祇林餘夕照碧殿俯春陰

啼鳥催幽意落花淨客心猶憐幽谷月不傍老夫吟

同方山龍谷於延祚寺曉望五老峯

旭日香臺靜依稀見遠峯蒼烟迷度鳥碧水遶寒松
小華名空謫方山賞詎逢雲間聽笙鶴荏苒遠塵踪
五星湖同謝劉二公汎舟

昔懷雲夢澤今汎五星湖艇向林稍入漁從水際呼
榜歌驚遠拆山色壯雄圖即此歡无極何須歎逝駒
寄題中尉南溪

中尉 文皇裔南溪近築居探竒趨鶴駕覽勝命巾
車雨過寒波淨風來細浪舒平生愛幽討對此漫躊

踏

靜林寺別張秋官康甫張侍御運夫

勝地堪攀賞欣從二仲行湖光翻白浪節序入朱明
小徑風沙合層臺烟霧橫沉沉靜林寺若可學無生
微雨獨坐憶德充

雨中無客至獨坐試微吟忽見桃花發已知春事深
芳香浮綺席佳氣滿芳林明日同沽酒攜君眺碧岑
春暮同舍弟德充德一邀邦獻通州季醇朕吉
季隣三進士及齊人天爵同遊何秀才凝之園
林二首

追遊春欲暮，眺賞得名園。喜與英豪集，欣觀花卉蕃。
歌兒嬌送曲，野客醉看原。如此林泉勝，何須羨鹿門。

其二

絲竹聲如沸，清冷酒若泉。總能拚爛醉，猶恐負韶年。
幕燕青蘿細，窺魚碧荇圓。竹邊雙鶴唳，迤邐似遊仙。

德充邀諸君泊予宴集北園三首

復過此亭飲，那知入夏初。小籬梅間柳，曲徑水通渠。
竹裡移歌扇，林間下鹿車。徘徊天欲暮，握手重躊躇。

其二

老境宜林麓，晴川飲興饒。青娥擎鳳管，紅拂度鸞簫。

嘉樹濃陰合，崇巒細靄飄。
設看花下客，雙鬢欲蕭蕭。

其三

翡翠林間度黃鸝，
巖外啼吾生。非落寞佳節，
好攀躋。興到呼童舞賓來，
聽馬嘶。許西春酒熟，
明日更提携。

再過何園

頻遊非滯酒，良覲自難常。
老境憐予短，高懷羨尔長。
川原留夕照，亭榭尚餘芳。
願盡今宵興，休孤明月光。

聞德充在北庄詩以問之

今日聞君駕樓遲，
向北庄偶然貽問訊。
聊尔得徜徉，結屋依巖好。
栽花入檻芳，落成煩及早。
吾欲載長房。

贈李鍊師

子有青萍劍寒光逼斗牛頗嗔接見晚仍喜坐談優
操術无勾漏探竒得秘丘他時遊五嶽笙鶴任淹留
聞望之來

候吏傳佳信慙慙望使車好懷知乃爾豪飲近何如
細雨沾征旆高風憶上書恠來瑞雪氣先到隱君廬
江景

昔經涑湖水今憶武昌遊萬艇雲中下三江天際流
漁來青草浦鴈度白蘋洲應笑浮名客勞勞日未休
二十七日邀諸公賞花呈姜明府

昨日牡丹發，慙慙逢客看。不嫌村酒濁，只恐檻花殘。
雲濕鶯聲澁，風高鶴背寒。仙臈知欲下，徒倚立層巒。

汴東亭子閒坐二首

前日清明雨，予來坐小亭。烟雲千嶂合，楊柳一川青。
座上傳鸚鵡，尊前醉醪醕。角巾經濕墮，轉見意娉婷。

其二

堦前芳草綠，環坐如鋪茵。况有青蓮幕，偏宜烏角巾。
經綸違壯志，萋菲得閑身。不作酩酊飲，桃花亦笑人。

贈惠逸人子新

昔遇太微子，謂君吟思清。芙蓉出秋水，沆瀣浥金莖。

寄翟石門相國

今日汧陽發知當宿鳳翔中秋亦何幸同子浥清光
嶽外來旌節雲間下鳳凰白頭踈曠久徙倚望原岡
送陳益瑞

朔風吹漆水送子返潯陽詎以離尊薄能紓別意長
江天澄霽雪衡浦下輕霜珍重風雲事重為吾道光
九月二十一日德清蔡唐山先塋

先德名當世諸孫媿發祥松楸嚴守護享獻切羹牆
三載二千石十年一瓣香昂昂喜若弟足以見流芳
奉天別漁石司寇

臘日暖如春君歸謁紫宸一尊奉天酒千古五陵人
劍佩動邊遠風雲入夢新明時逢聖主令世浥清塵

九日

九日登高處令予感慨生呼童開美酒掃徑待良朋
勝地茱萸會名園桑梓情爪哇抱亭子落落愧東陵
侯湘崖過草堂

不見湘崖久相思空自深何時同咲語此日費追尋
既有長房訣休為漁父吟佳期倘早訂掃石候松陰
出門

出門春色好滿目是娉婷桃柳川原合烟霞岩谷平

无朋空載酒有興謾徵聲却咲劉夫子勞勞惟釀名

與呂子同步汴東望雍原次呂子韻

野興得茲丘勞君為我留青山圍碧戶斜日照滄洲
枝薄明時棄情幽愜處遊共拚溪上醉此外復何求

許西別業同耿秀才儒叔弟河與呂子言別

高宴對佳人宮商柳外陳論心纔幾日傷別又三春
花滿漳川塢人歸渭水津悲歌莫辭醉白髮看予新

劉山集卷之十一

康對山先生集卷之十二

五言律詩

送熊彥卿使大同

車馬赴雲中，旌旗颭朔風。
沙來宣府白，山過易州雄。
右轄虛喉舌，東廳有異同。
歸來如有奏，不待納言封。

效賦觀妓

燭影襟檀炷，人歡玳瑁筵。
蛾眉羞寶黛，香頰稱金鈿。
舞按梁州曲，歌依越國絃。
十年滯王役，含愧彩雲邊。

三月十日書懷

歸來方兩月，多病日深居。
詎可登原麓，聊能問室廬。

知交非舊約冠帶異新除慷慨慚崔嵬常時醉里間
送人從軍

陰雨暗山城長亭有客行好花隨處發劣馬逐群鳴
世愛文章士人輕俠少名莫須誇劍術西北久無征
六月三日聞 大行皇帝訃二首

楓陛初辭日威儀萬國瞻幾時違暇豫遽尔棄閭閻
天道雖憎秦皇心實履謙山陵知不遠東望淚沾沾
其二

遺詔頒何亟惟號萬國哀意勤章甫士春滿鳳凰臺
表妖氛絕三天龍馭回深仁超古昔儲座有雄才

三原道中望秦世觀莊

霏霏雨沾蓋望望暮臨河村落行將徧牛羊下已多
素雲低漢樹彩鷁泛涇波却憶秦師道前年送我過
沔池逢友人

歲序催華髮相逢欲怡然故人俱得意吾子尚窮年
靜夜傳杯淺山城見臘先平生輕世者切莫歎迢迢
孟津樓子看河

畫棟棲雲霄危樓依浪遙朔風千里黯殘雪幾時消
戎馬停邊轍憂勤極聖朝向來過渡處朋輩漸蕭條
鄴城逢故夫

料里君歸去相逢羨此行
勝違將四月談笑欲三更
沽酒銅堂市長歌潭水城
莫辭今夜醉辜負月華明
趙州道中見任敬之

玉勒紫驄臨青衫孤白裘
遠從長坂過喜見朔雲收
勝地瞻玄慶明時遂壯游
期君同一醉含笑拭吳鉤
藥城逆旅

野寺春雲合遙岑雨欲翻
泉飛高拂樹石古遠依村
牧笛歸猶響蛙聲夜更喧
世無常范久此意向誰論
涿郡早發

星燦屋鷄鳴衝風出曉城
霜華林外見曙色馬頭生

家國三千里王畿十五程楓宸明日見無限泰陵情

良鄉望闕

樓閣倚雲霄河山萬國朝百靈扶寶曆九葉仰神堯
侍從皆夔契鈞衡陋管蕭太平原有象吾欲被簫韶
勸段王二子飲酒

把酒對君飲深杯君莫辭人生雙過鳥世事一遊絲
蕭相今無宅樂公謾有祠欲將沉醉意日日與君期
贈王水部

一別忽三載風流似爾稀書同王逸少句擬謝元暉
亭院微雲散簾籠皓月輝何當扳逸興相和杳忘歸

九日

去歲當茲日佳人玳瑁筵纖歌傳玉竿幽調襍水絃
故國秋聲裡窮愁曉色前近聞饑饉事西望獨漣漣

送別

秋深君欲去相別憶年時濁酒臨星墅清歌近露池
英雄雙鬢改憔悴一心知珍重相如賦休為楚客悲

雨中簡王獻可

雨過西樓晚風來小院幽懷人空萬里撫景欲三秋
戎馬疆圉急租庸闕闕愁卧聞新詔寵真可答民憂
六月五日乘雨出澣西因邀用之觀山

雨中懷隱地郭外看青山但覺峰巒好因慚沮溺閒
烟川帶雄壘翠篠覆柴關為報揚夫子長歌共爾還

課耕

雨足禾苗秀秋場行可盪綠雲隨處合蒼穗望中成
穉子過傳饁山妻漫煮菁何須向幽壑方是古先生

立冬

詔許還鄉里翩然羅遠思况逢立冬日是我服耕期
望氣風雲好占年稼穡宜便交輸醉飽遮莫似前時
飲酒

自從歸隱後日日有佳期白閣看雲坐清尊邀客持

已拚醒還醉那論醇與醑呼童語隣叟更向柳西陂
寄德充

許國心恒在含恩意獨哀空叨金殿賞無補玉關頽
入骨慙知己終天負絕才都将霄漢志聊以寄尊壘

懷李獻吉二首

獨坐看山色長歌上夕臺秋空鴻鴈過露冷菊花開
泝水情人去茅山道士來明年遊五嶽期尔共罇杯
其二

不作雲車吏甘從漳汭遊看花開曲檻近水狎浮鷗
南國嚴夫子青門召隱侯棲身先有計長醉復何求

見霜

蕭索傳時令玄風來華門霜花一夜下木葉萬山翻
莫恠凋傷亟還應節序存誰將冰雪志特以報君恩
中夜獨坐有懷王大故夫四首

中夜懷人遠蕭條獨爾思讙言能悟主長計是憂時
水國音書滯關河鴻鴈遲朔風樹雲意詎得使君知
其二

日暮西城下同君意亦悲何曾憂門鏐只欲計安危
寒硯雖遭醢決意未夷四方兵火急誰可任戡綏
其三

默默思先帝英明絕代無志惟驅虎豹心不計螭螭
李膺君難托屠公去亦紆何當袪穢日先弃照乘珠
其四

漢中連楚蜀處處逐紅巾主將俱文士先鋒只武人
淺謀延鑛賊多敵盡山民辛苦輸糧子貴萬里塵
有懷楊三北山

北山有逸興相別已三秋漫對州堂月閒群沙渚鷗
千峰黃葉下萬壑素雲流讀易聞餘暇何時放戴舟
喜聞何大粹大抗疏論事因感述鄙懷

國步安危日群僚暇豫初忠臣能抗疏聖主亦停車

指顧摧餘孽淒涼感謫居泰陵恩未報念此獨躊躇

夜宴觀妓

歌舞舊名家新聲為客誇亭中初縱酒座上欲烘霞
翡翠雙珠綴芙蓉七寶花歸時春月小含笑拂巾紗
將入城訪呂子

策馬赴孤城奔濤入瀨清夕陽雙樹豁佳氣半山橫
晚市懶供給新醪足款迎未瞻王子島已勝鮑君情
和呂子韓店道中之作

芳林黃鳥碎歸路柳風長並轡過村寺經春聞妙香
宵歌猶在耳盡別歌難忘願醉長寧驛同君賦海棠

孟夏十六日符上王吳慎之朱君樹三君子見
過因置酒坐亭上

亭上逢君晚花間憶昔遊粉香凝綺席歌吹入山樓
事往浮雲盡年過赴景收歡歌同此夕不羨習池秋
晚坐有懷王大敬夫

暝雲千里合夜色滿長簷微雨斜還密寒風乍復尖
秋花沾水濕夜鼓入更厭獨坐悲王粲荊州未可淹
有懷胡嘉定季思二首

不見胡生久清秋獨爾思幾年遷別駕何日上經帷
滕合題詩館花深洗硯池相携應有數不止慰吾私

其二

世跡淒涼久嗟予已暮年干戈齊魯急鉦鼓并懸
逖德無三益客身幸一廛知君搏勁翮飛動九秋天
逢楊咸陽云過郡曾見王敬夫已至

美人聞已至傳報尚依違忽聽咸陽語真為梓里歸
行藏關世運歡笑溢庭闈與爾如連翼雲霄誰獨飛
將至岐山逢田父指楊子別業所在喜而有作
望裏揚雲宅相過及素秋問奇予不謬抱玉爾何求
山似輞川小花於金谷稠濁醪良夜永不必計更籌
楊子席上

十載賓朋盡影零，獨有君酣歌。惟我意解綬，更誰群
第與園黃接名因，雅頌聞幽林。松桂發莫負，北山文
自岐山還至扶風十里亭子為顯庸所邀

升車辭故好，結幔望鄉關。復值中林飲，其如歸路艱。
黃金銷白髮，綠綬損朱顏。自有長生訣，何勞問九山。

夜夢王大敬夫

五年無復見，今夕夢中親。總論文章士，那知萋菲身。
山林吾已熟，風月尔何親。不是偕耕者，誰憐抱玉人。
再和東岡子席上二首

空堂相對夜已可，慙幽尋漫興千卮酒。雄談萬古心

朔雲簾外白寒漏月中深却笑東山子影影無此襟
京國相逢日惟君抱逸姿姦諛雖齒切神鬼却心知
露柳扶枝早寒花出葉遲馮君修健翻早上鳳凰池
送謝以中

才子出皇州青春愜壯遊一經承闕闕萬里見驂騑
水冷蒹葭浦天寒鵲鵲樓獨憐雙雁影含思入湖秋
憤之宅同諸公集

不到羅含宅今聞濁酒危醉忘風露下坐待月華移
花朵明春檻山光接畫楣何須訪幽壑已可是襟期
詠松

十年成勁節萬壑抱幽情
僊蹇傲霜雪崢嶸隨晦明
欣留雙鶴影怒作九濤聲
桃李隨春艷何能及尔清
同慎之季醇及德清弟過故人陳三宅集率爾感懷二首

自笑山翁僻携琴到處遊
徵朋及夜飲選妓發新謳
列饌無佳味還耕有令謀
共君不盡醉何處是揚州
其二

愛客涉新醅狂歌醉益開
星河低綺戶絃筦發春臺
二仲同清暇雙娥博笑杯
批牋不相待明日許重來
雪中二首

坐愛此軒寂天風巧送寒圍爐憐稚子酌酒笑儒冠
慷慨終成幻影零若可安丈夫輕九鼎詎肯繫微官

其二

昔徃真兒戲今歸勝蚓蟠一生尊酒足千古寸心難
著水冰花細當階雲氣漫新詩諸弟在博得老夫歡

除夕

三十此時盡四旬明日來行藏惟自保心事待誰開
望海鯨鯢滅瞻天星斗迴丈夫有奇骨不可賤蒿萊
送牛兄升訓導黔江

幽居無客到念尔莫何之長缺果無效高才誰更知

黔江巴子國劍閣五丁祠未可辭漂泊窮通自有時
寄朱升之

朱君南國彥清節近人稀欲作韓公事翻來賈豎譏
新詩窮自好公道晚應歸何日長沙去明時莫拂衣
送何子奇

邂逅長安後於今十六年風流常在念書札動難傳
往事浮雲盡行年逝景遷相逢君欲去無那莫春天
仁夫至得升之書率然興懷二首

雨中聞客至云是沈西津兩月空聞信三秋倏有神
閉門銷酷暑下榻為高人頗釀長罍酒當令共入唇

其二

維揚書札至展玩慰吾思為別既如此於人誰不悲
文章還自誤邪正有天知解紱尋高尚何勞泣路岐
贈少華隱者

宿性喜丘壑覽藉感前賢況當少華嶽復值清秋天
孤松向雲直歸翼入林便微君有佳思誰能閒盛年
晴

十月猶飛雨淒淒久未休浮雲依岫急野水抱村流
照檻明殘菊當軒豁醉眸逢人間場藿何可更淹留
聞箏

寶曆西隣女鳴箏傍玉臺秋風孤鶴唳落日百泉洄
座客皆驚引行雲欲下來不知絃上曲清切為誰哀
此夜

此夜西堂靜哀吟燭半明閒關懷令弟迢遞入山城
守為奸諛出名因坦率傾百年超忽是何似亟還耕
東渠

聞說東渠水魚龍伏上流但看推白浪長使沒滄洲
豈有風雲意應為偃蹇遊早知慚尺蠖何必嘆高秋
八月十二日夜見月

萬里秋雲淨遙瞻玉魄懸常時憂宿雨此夜見長天

近席光逾白當空影未圓
明宵應更好誰賦峽江篇
十四夜奉長洲公翫月懷德克

開尊臨皓月選伎發清歌
午夜豈足盡百杯仍未多
明蟾光燦爛碧樹影婆娑
獨憶彭城使今宵誰與過
十五夜不見月

佳會忽如此當軒空自憐
浮雲亦何意皓月故應圓
待景夜將曙鳴絲心更煎
不知百年裏幾度見高縣
寄李宗易六首

為別動經歲相思無畢時
情懷書札見憔悴夢魂知
泉石意常好風雲數或奇
壯懷俱潦倒閒咏四愁詩

其二

每見岐陽守於君問訊頻
午風常醉客秋雨動傷神
林鳥翼已倦山麇性不馴
從來踈禮法豈是欲逃人

其三

許西多逸興日日白鷗來
種竹忽遮屋看山何用臺
有時調舞鶴終日醉春醅
何為蘇門客招邀不可迴

其四

往事人俱白貧居心亦安
常時携角妓尚肯戀微官
脫鳥死依壑沐猴非愛冠
不知棲宿久轉覺畏風湍

其五

憶昔同遊日踈狂欲上天心將清瀚海志欲勒燕然
事去即長逝情非難更遷十年耕隴畝慷慨讓誰先

其六

此意包藏久因君偶誦之彌衡原有託房琯豈無知
遂我山林樂從他貝錦詩那思宵漢下仍有丈夫奇

午坐對雨

鳴雨夜不歇積陰秋正寒此時當孤枕何日對層巒
兒課鄒陽賦妻供枚乘餐山城天又晚遮莫到更闌
得德克書有感四首

早聞前月莫爾駕欲西歸今日重開牘連宵夢不違

風流自吾事偃蹇又誰非但有牀頭酒何憂未拂衣
其二

新來殊愛靜遯與太初遊吾弟能如此汝兄何更求
秋山紅葉細寒澗紫雲流共爾相對酌還當到白頭
其三

用舍隨吾道行藏係彼蒼老夫渾不染時輩亦何狂
翠袖巴渝舞金杯蘭桂漿幾曾虞毀譽特恐太荒唐
其四

汝謫嘉州守峨嵋揖郡樓公餘饒作賦興起合乘舟
且愜追遊志休為萋菲憂前途天意遠身外即何求

八月二十二日明叔至訪予與舍弟德充東堂
宴集

故人遙問訊愛弟近來京共醉東堂酒還吹南華笙
親交俱落莫鹿豕豈逢迎不覺踈簾白蟾光下曉成
送慎之澤官荆門

知君惟我舊售玉嘆何遲自有長楊賦何勞湘瑟詩
老鯢須日化霖雨待春滋祖餞河橋上非為岐路悲
送曹二慎之赴寧夏二首

鄉家良將子影泊已多年冤狀人皆白勲名天或憐
琯弓趨上郡寶馬過靈川莫羨黃金印宜陳度虜篇

其二

昨逢張給事新自夏城來細數推移力深知樞轄才
仇生猶列土曹仲況含瓊盛世無私曲憑君急早回
四月八日雷雨大作蓋自正月到此始聞雷聲
歲輿趁孟夏此日始聞雷乍起聲猶咽方張勢忽迴
濃雲開更合微雨過還來真宰應無意吾心自百哀

對山集卷之十二